



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacrum Misericordiae Palativm

Variis Sacrae-Scripturae Locis, Atque Septem misericordiae operibus quasi
peristromatibus exornatum


Gazaeus, Nicolaus

Augustae Trevirorum, 1618

Dominus vult nos esse Misericordes ad Imitationem Patris: Estote
Misericordes, sicut & Pater vester Misericors est. ca 11.

[urn:nbn:de:hbz:466:1-54477](https://nbn-resolving.org/urn:nbn:de:hbz:466:1-54477)

ris in tenebras exteriores. Nihil itaque acceptum magis vobis porrigere poteram quam hanc Misericordiae demonstrare ianuam, siquidem quilibet homo saluari cupit, quoslibet saluare desiderat Deus: *Vult enim omnes homines saluos fieri.* 1. Tim. 2. Quamuis vera per sepe agnita semita, plerique eam declinant, subterfugiunt, omnem foelicitatem, beatitudinem vniuersam in temporalibus, in caducis mundanarum voluptatum delicijs constituentes. Non haec via vera, sed ea est quam vos doceo, qua vobis praebeo, Misericordia est. Aliae rationes quae ad hoc opus me mouerunt sunt Christi commendaticiae, sententiae, quas in fauorem Misericordiae varijs in locis protulit, de quibus aliquid in sequentibus.


 DOMINVS VVLT NOS
 ESSE MISERICORDES AD
 IMITATIONEM PATRIS: ESTOTE
 Misericordes sicut & Pater vester
 Misericors est.

CAPVT XI.

Quemadmodu dux strenuus cum ini-
 D 3 mico

mico commissur^o, milites suos studio pug-
 na anhelantes incitat antiquorū & proauo-
 rum bene gesta comemorans; Ita dominus
 in inimicum concitaturus, nos vt fortiter
 dimicemus hortatur, & vt Charitatem pro-
 lorica suscipiamus admonet & præcatur,
 idque exemplo Patris; *Estote (inquiens)*
Misericordes sicut Pater vester cœlestis Mi-
sericors est. quasi diceret, Si olim immiseri-
 cordes fuistis, nunc estote Misericordes,
 quod si fortè olim Misericordes fueritis,
 vos hortor vt de die in diem eam augeatis,
 si non hæcenus, saltem deinceps, nam *Sat-*
cito, si sat benè, Estote Misericordes, dis-
 cite, bona vestra elargiri, sicut ego bona
 mea fideliter, dispensaui, in vsum commu-
 nem ea Iudæ tribuens. Estote Misericordes
 sicut Pater vester, in imitatione nõ in æqua-
 litate, nulla siquidẽ creatura immò nec An-
 gelica substantia æqualitatẽ Misericordiæ
 Dei attingere potest. Imitamini tamen Pa-
 trem vt quo propius ad perfectionẽ Mife-
 ricordiæ perueneritis, eò magis diuinitatis
 sublimitatẽ attingatis. Nihil enim est quò
 homo Deo proximior efficiatur, quàm si homo
 indigenti bonorū suorum excrementa lar-
 giatur, *nam homo, homini Deus.* Et quidem
 maxima homini terræ vermiculo gloria
 est,

est cui per Misericordiae viscera, tantæ ma-
 iestatis propinquitas comodatur. Vnde
 Gregorius Nazianzenus rectè inquit: *Fac* Orat. de paup.
 amore.
*calamitose sis Deus, Dei Misericordiam imi-
 tando, nihil enim tam diuinum homo ha-
 bet.* Nec mirum nam quod homo maximū
 appetere posset, illud Creatoris approxi-
 matio superabit. Nā si (iuxta D. Greg. Ni-
 cenum *Misericordis appellatio Deum decet,*
ad quid aliud hic sermo te hortatur, nisi vt De- Orat. 5. de
 beatidu.
us fias, tanquam insignitus & formatus pro-
pria nota Deitatis?

Estote Misericordes sicut Pater vester, ac
 si dicat, Magistrum & Dominum me dici-
 tis, & benedicitis, sum etenim, Si igitur Ioan. 13.
 ita est; quemadmodum seruus insignia
 Dominorum præfert sic & vos, Patris ve-
 stri Misericordiam quæ Insigne gestamen
 est portare debetis. Filius gratiam Patris
 obtinere gestiens, studet quantum in se
 est Patris imitari virtutes; sic vos Patris
 mei filios adoptiuos, virtutē Patris, Mise-
 ricordiam sibi connaturalem, decet imita-
 ri. *Estote Misericordes sicut Pater vester, non*
 sicut plerique, qui quia pauperes ostia-
 tim mendicant obmurmurant, & his non
 Misericordiae, sed crudelitatis nomen
 conuenit, siquidem rationes multæ sunt

propter quas pauperes nullatenus impediendi sunt ne ostiatim victum petant, & has sequenti narratione videre licebit.



VTRVM LICEAT IMPEDIRE PAUPERES OSTIATIM MENDICANTES.

CAPVT XII.

SI quis olim pauperibus ostiatim victum quærentibus, tanquam insanus fortè verba dedit, rationes sequentes attendat, videatque num congruum non sit vt pauperes victum quærant.

Prima est quia plerique reperiuntur qui licet voluntatem distribuendi Eleemosynas non habeant, tamen visis pauperum infirmorum vlceribus, quod denegare statuerant clementer largiuntur. *Obiecta enim mouent potentias.* Quem si pauperem non videris, quod paupertatis exemplar menti obijcere poteris? Congruum est igitur vt mendicet.

Secunda. Tantæ virtutis & efficacæ est pau-